

BOZA EMATEKO BESTE ARRAZOI BAT «ESTATU EREDU AGORTU HORRETAZ EZTABAIDATU BEHARRA» DELA DIO

«Prozesua tinkotzeko», Espainiako bozetan parte hartzera deituko du EAJk

■ Espainiako hauteskunde orokorretan parte hartzeko apustua egiten du EAJk, «zalantzarik gabe»

■ «Euskaldunei dagozkigun arazoak konpontzeko ezinbestekotzat jotzen dugu Madrilen egotea», dio Egibarrek

■ Euskal gizarteak orain «konpromisoa eta aktibismo politikoa» eskatzen duela dio EBBko bozeramaileak

Gorane Agirre / Bilbo

DATORREN udaberrian Espainiako hauteskunde orokorrak egingo direla eta, «euskaldunok bozkatzera joan beharra» defendatuko du EAJk, «martxan dagoen prozesua hauteskunde bidez tinkotzeko». Hala adierazi zuen Joseba Egibar EBBko bozeramaileak.

EBB alderdiko lurralde bakoitzeko batzorde eragilearekin bildu zen atzo Sabin Etxean euskal politikaren egoera aztertzeko. Bileran, besteak beste, Juan Jose Ibarretxe lehendakariak hartu zuen parte gonbidatu gisa.


Egibarrek «oso-oso garrantzitsutzat» jo zuen datozen hauteskundeetan partaide-tza handia lortzea, «euskaldunei dagozkigun arazoak konpontzeko ezinbestekoa delako Madrilgo gorteetan egotea. Halaber, Espainiako Gobernuak edo instantziek zer esan eta zer erabaki handia dute gure etokizunaren inguruan».

EAJk hauteskundeetan parte hartzeko «zalantzarik gabeko apustua» helaraziko die bere hautesleei, alderdiak bere gain hartzen dituen konpromiso politikoak jasotzen dituen proposamen zehatz baten bidez. Edonola ere, beste aukerak, baita hauteskundeetan ez parte hartzea-rena errespetatzen dutela zehaztu zuen Egibarrek.

Proposamen horrek bi ardatz nagusi dituela azaldu zuen Egibarrek: Estatu ereduaren eztabaida eta bakegintza eta normalizazioaren bidean urratsak ematea.

Estatu ereduari buruzko eztabaida beharrezkoa dela nabarmendu zuen EBBko bozeramaileak, «Autonomi Estatutuen inguruko hori agortua» dagoelako. Eredu berriaren muina «autogobernuaren kontzeptualizazioan» dagoela azpimarratu zuen, alegia, «izatea erabakitzeko, eta ez edukitzea egiteko bakarrik».

Edonola ere, EAJk defen-



MONIKA DEL VALLE

Joseba Egibar EBBko bozeramailea, atzo Sabin Etxean eman zuen prentsaurrekoan.

datzen duen Estatu eredu berria Batzelonako adierazpenean eta akordioan «ondo baino hobeto jasotzen» dela gaineratu zuen.

Proposamenaren bigarren ardatza «bakegintza eta normalizazioarako batzuk eta

besteek» eman beharreko urratsak direla azaldu zuen Egibarrek. Azken finean, «euskal gizarteak une hone-tan «konpromisoa eta aktibismo politikoa» eskatzen dituelako.

Bestalde, Xabier Arzalluz

EBBko lehendakariak eta Joaquin Almunia PSOEko idazkari nagusiak asteen egin duten bilerak «Espainiako Gobernuaren eta Aznar lehendakariaren beraren izugarritzko urduritasuna» sortu duela gogorarazi eta horrek

JOSEBA EGIBAR

■ ■ ■ «Aznarren urduritasunak agerian uzten du prozesuari bene-benetan eusteko heldutasun politikorik ez duela»

■ ■ ■ «Madrilgo Gobernuaren eskema politikoa, hau da, presoak bakearen truke, antzutua eta gainditua dago»

Egibar: «Ona eta erabakigarria da EHk kale borrokari babesik ez ematea»

■ JOSEBA EGIBAR EBBko bozeramaileak «on eta erabakigarritzat» jo zituen Arnaldo Otegi EHko bozeramaileak egin-dako adierapenazk eta EHk kaleratuta-ko agiria. Horien arabera, EHk ez du onartzen kale borro-karen aitatasunik, bide politikoen alde-ko apustua egiten du eta ez dio babes politikorik ematen kale borrokari.

Egibarrek «urrats positibotzat» jo zuen EHk hartutako erabakia «berria ez» bada ere. «Urrats bat da», gehitu zuen, «prozesu politiko honek bide garbiak eskatzen ditu, eta politika eta indarkeria eskonezinak direlako».

«Posible da nor-bait nahita lupaz begiratzen egotea mota honetako ekintzei, guretzat giza eskubi-

deen urratsea izate-az gain, prozesu politiko zailtzen du-ten ekintzak direnei. Baina EHren urrat-sa erabakiorra d eta are gehiago, bere hautesleriak itxa-rondakoa», azaldu zuen Egibarrek.

EHren agirian Jo-su Jon Imaz Eusko Jaurlaritzako boze-ramailearen aurka egindako kritikak egia ez direla azpi-marratu zuen EBB-

ko bozeramaileak.

EHk ETA inoiz gaitzetsiko ez duela nabarmendu, eta oraindik elkarrizketak mahairik eratu ez dela gogorarazi zuen. «Batzuek aitzakia modura erabili izan nahi dute arbuioan tinkotasunik ez egotea, baina ziur naiz batzu ezta arbuioekin ere ez liratekeela jersatzeko prest egongo», adierazi zuen.

«prozesuari bene benetan eusteko behar adinako heldutasun eta perspektiba politikoeik eza erakusten» duela gaineratu zuen Egibarrek.

Era berean, Madilgo Gobernuak gatazka politikorik dagoenik onartezn ez duela gaitzetsi eta «bere eskema politikoa, presoak bakearen txanpon truke, antzutua eta gainditua» dagoela azpimarratu zuen.

INTXAURRE

HERRIKO TABERNA

GORKA, DURANGORA !!

Balbino Garitaonandia, 1 - ☎ 94 681 80 70
DURANGO